

**Kalaallit Nunaanni sulinermi ajoqusernerit pillugit suliani
 inuussutissarsiorsinnaassutsimik imaluunniit pilersuisumik annaasaqarnermi
 ingerlaavartumik taarsiissuteqartarnerit tamaasa ataatsikkut aningaasanngorlugit
 naatsorsorneqarsinnaanerit pillugit aalajangersaasarneq pillugu nalunaarut**

Inatsimmik allanngorneri ilanngullugit nalunaarutiginninneq nr. 75, 16. januar 2017-imeersoq, inatsisikkut nr. 436-ikkut, 6. maj 2025-imeersukut, Kalaallit Nunaanni sulisilluni ajoqusersinnaanermut isumannaarineq pillugu inatsisip atuutilersinneqarnissaa pillugu peqqussummi nr. 991-imi, 3. oktober 2008-imeersumi § 32, imm. 4-kkut, Kalaallit Nunaanni sulisilluni ajoqusernerit malitsigisinnaasaannut isumannaarineq pillugu inatsisip atuutilersinneqarnissaa pillugu peqqussummi nr. 818-imi, 11. september 1996-imeersumi § 48, imm. 2-kkut, aamma sulitilluni ajoqusersinnaanermut isumannaarineq pillugu inatsisip atuutilersinneqarnissaa pillugu Kalaallit Nunaanni peqqussummi nr. 558-imi, 28. december 1979-imi § 45, imm. 3-kkut allanngortinneqartoq malillugu, aamma Kalaallit Nunaanni Namminersorlutik Oqartussat isumaqatigiinniarfigineqarnerisa kingorna aalajangersarneqarpoq:

Kapitali 1

Aallaqqaasiut

§ 1. Arbejdsmarkedets Erhvervssikring-imiit siulersuisuniit innersuussineq malillugu, Kalaallit Nunaanni sulinermi ajoqusernerit pillugit malittarisassat qulaani taaneqartut malillugit, suliani inuussutissarsiorsinnaassutsimik imaluunniit pilersuisumik annaasaqarnermi ingerlaavartumik taarsiissutigineqartartunut aamma ukiumi tulluuttumi 1. januarimit atuutilersumik naatsorsorneqartartunut (ukioq taarsiissuteqarfiusoq), pissutaasut ukiumoortumik beskæftigelsesminister-ip (suliffeqarnermut minister-ip) tamanut saqqummiutissavai. Kalaallit Nunaanni sulinermi ajoqusernerit pillugit suliani inuussutissarsiorsinnaassutsimik imaluunniit pilersuisumik annaasaqarnermi ingerlaavartumik taarsiissuteqartarnerit tamaasa ataatsikkut aningaasanngorlugit naatsorsorneqarsinnaanerit pillugit aalajangersaanermi malittarisassanut ilitsersuummi (nalliuteqqittartumik taarsiissutigineqartartut ataatsimut aningaasanngortinneqarnerat), pissutsit tamanut saqqummiunneqartarput.

Kapitali 2

Inuussutissarsiorsinnaanermik annaasaqarnermut aamma pilersuisumik annaasaqarnermut taarsiissuteqarneq

1. januar 2026-mi imaluunniit kingusinnerusukkut pisut sulinermi ajoqusernerit

§ 2. Inuussutissarsiorsinnaassutsimik annaasaqarnermut ingerlaavartumik taarsiissuteqartarneq, Kalaallit Nunaanni sulitilluni ajoqusersinnaanermut isumannaarineq pillugu inatsimmi § 21 malillugu tunniunneqartoq, piffissami tunniussiffiusumi pissutsimik naleqquttumik, nalliuteqqittartumik taarsiissutigineqartartut ataatsimut naatsorsorneqarnerat pillugu Kalaallit Nunaannut ilitersuumi, tabelimi attuumassuteqartumi ajoqusersimasup ukiuata nalaani pissutsip attuumassuteqartup inissinneqarfianiittumik, ukiumoortumik taarsiissut amerlissarlugu, aningaasanut ataatsimut tunniussassanut allanngortinneqassaaq.

Imm. 2. Ajoquserup utoqqaassusia, ukiunut aamma qaammatinut naatsorsorlugu, Kalaallit Nunaannut pisassanik aningaasanngortitsinerup ilitersuumi tabel-imi attuumassutilimmi allassimasut utoqqaassutsit akornanniippat, ukiunut qaammatinullu naatsorsorlugu ajoquserup ukiui aallaavigalugit inuussutissarsiorsinnaanermik annaasaqarnermut taarsiissutitut, akunnermiliuttut naatsorsuussutitut ilaasut assingusut, atorineqassapput.

§ 3. Kalaallit Nunaanni sulinermi ajoqusernerup sillimmasiisarneq pillugu inatsimmi § 24, imm. 2 malillugu akuerisaasoq, pilersuisumik annaasaqarnerup ingerlaavartumik taarsiiviginninneq, qimataasup utoqqaassusianut inissisimassutaasoq attuumassutilimmik ilaasumik piffissami kaaviiartitsiviusumi ukiumoortoq taarsiiviginninneq aammalu Kalaallit Nunaannut pisassanik aningaasanngortitsinerup ilitersuumi tabel-imi attuumassutilimmi kaaviiartitsinerup piffissami taarsiinerup piffissarititaasup sinneranik gange-rlugu aningaasaatit annertussusaannut naatsorsorneqassaaq.

Imm. 2. Ukiunut aamma qaammatinut naatsorsorlugu taarsiissuteqarnerup piffissarititaasup sinnera, Kalaallit Nunaannut pisassanik aningaasanngortitsinerup ilitersuumi tabel-imi attuumassutilimmi allassimasut, ukiut sinneruttut akornanniippat, ukiunik aamma qaammatinut naatsorsorlugu piffissarititap sinneranik aallavillit assingusumik akunnermiliuttut ilaasut, atorineqassapput.

§ 4. Inuussutissarsiorsinnaassutsimik imaluunniit pilersuisumik annaasaqarnerup ingerlaavartumik taarsiissutigineqartartunut pissutsinut, aningaasanik ataatsimut tunniussassanik allanngortitsineq piumasaqaatit tuliiuttut tunngavigalugit aalajangersarneqartarput:

1) Ukiumi, kaaviiartitsinermut ukioritinneqartoq, ukiunik marlunnik sioqqullugu, siunissami uumaannartarnernut pitsannguutitut naatsorsuutigineqartunut, Finanstilsynet-ip agguaqatigiissitseriaasianik peqateqartillugu, ukiumi, kaaviiartitsinermut ukioritinneqartoq, ukiunik marlunnik sioqqullugu maannangaaq toqusoqartarneranut qimerluukkamut, Finanstilsynet-ip agguaqatigiissitseriaasiani aalajangersagaasoq angutit aamma arnat toqusarnerannik pisariitsunnguamik agguaqatigiissitsinertut aalajangersarlugu, taarsiiviginnissutit tiguisissap toqusarnera.

2) Erniaritinneqartoq ukiumoortoq, kaaviiartitsinermut ukioritinneqartoq ukiut arfinillit sioqqullugumiit kaaviiartitsinermut ukioritinneqartoq ukiunik marlunnik sioqqullugu ilanngullugu piffissarititami realkreditobligation-inut ukiunut 30-noortunut, ukiumut agguaqatigiissitanik ernianit atuuttut agguaqatigiissitsinertut piumanartutut aalajangersagaasoq. Realkreditobligation-inut, Finans Danmark-ip sapaatit akunneranoortumik naatsorsugaasartoq obligationsrente takisooq, ukiumut agguaqatigiissitsineq atorineqarpoq.

3) Kaaviiartitsinermut ukioq sioqqullugu ukiumi aningaasarsianit akileraarutit pillugit inatsisartut inatsisaat naapertorlugu, nuna tamakkerlugu akileraarummut, kommunit peqatigiit akileraarutaannut aammalu agguaqatigiissillugu kommunimi akileraarummut annertussutit katinnerattut aalajangersagaq, aningaasaatit iluanaarummik akileraarusiineq.

4) Kaaviiartitsinermut ukioq sioqqullugu ukiumi aningaasarsianit akileraarutit pillugit inatsisartut inatsisaat naapertorlugu, nuna tamakkerlugu akileraarummut, kommunit peqatigiit akileraarutaannut aammalu agguaqatigiissillugu kommunimi akileraarummut katinnerattut aalajangersagaq, ingerlaavartumik taarsiivigitinnersianik akileraarusiineq.

5) Piffissami, ukioq kaaviiartitsiviusoq ukiunik tallimat sioqqullugumiit, ukioq kaaviiartitsiviusoq ukiumik ataatsimik sioqqullugumut. Kalaallit Nunaanni sulinermi ajoqusernartarnut sillimmasiisarneq pillugu inatsimmi § 29, imm. 2 naapertorlugu, juli qaammammut, Kalaallit Nunaannut akinik naleqqussaannut inissiissutaasumi procent-ikkaajusumik ineriartornermit agguaqatigiissitatut piuminartutut aalajangersagaasoq Ingerlaavartumik taarsiissuteqarnermik akit kisitsisaannik naleqqussaaneq ukiumoortoq.

Imm. 2. Imm. 1, nr. 2 aamma 5-i naapertorlugit ukiut tallimakkaarlugit ataannartumik agguaqatigiissitsinermi ukiunut tamanut, ukiut tallimakkaarlugit ataannartumik agguaqatigiissitsinermi, piffissami, piumasaqaatip siullermeertumik ilaatinneqarfiani, piumasaqaammut, aalajangersagaasumut qarasaasiami paasissutissat atorineqartassapput.

Imm. 3. Imm. 1, nr. 1-5 naapertorlugit malitsigitillugu piumasaqaatinut qarasaasiami paasissutissanik kukkunersiuisoqassappat, piumasaqaatinut qarasaasiami paasissutissat aallaqqaammut aalajangersagaasut atorineqassapput.

§ 5. Ajoqusertup ukiui, ukiunut qaammatinullu naatsorsorlugit, Kalaallit Nunaannut pisassat aningaasanngortinneqarnissaannut ilitersuummi, utoqqalinersiat appasinnerpaaffianik nalilinnik, taarsiissuteqarnerup taamaatinneqarfianut naatsorsuissutitut ilaqartumi, tabel-imi allassimasoq utoqqaassutsip qaffasinnerpaaffiata aamma Utoqqalinersiaqarneq pillugu Inatsisartut inatsisaat naapertorlugu, utoqqalinersiaqarnermut ukiorisat akornanniippata, ukiut marluk ilanngaatilugit, Kalaallit Nunaannut pisassat aningaasanngortinneqarnissaannut ilitersuummi, utoqqalinersiat appasinnerpaaffianik nalilinnik, taarsiissuteqarnerup taamaatinneqarfianut naatsorsuissutitut ilaqartumi tabel-imi allassimasup, ukiorisanut qaffasinnerpaanut naatsorsuissutitut ilaasup, aamma § 4, imm. 1, nr. 4 naapertorlugu, akileraarusiinnermut najoqqutassiat malillugit aalajangersagaasut naatsorsuissutitut ilaasup akornanni, inuussutissarsiorsinnaanermik annaasaqarnermut taarsiissutisianut naatsorsuissutitut ilaasut akunnermiliuttut atorneqassapput.

Imm. 2. Ajoqusertoq, piffissami inuussutissarsiorsinnaanermik annaasaqarnermut taarsiissuteqarfigineqarnissaminut aalajangiiffiusumi, utoqqalinersiaqartarneq pillugu inatsisartut inatsisaat naapertorlugu, utoqqalinersiaqalernissaminut ukiut marluinnangorpagit ikinneruppataluunniit, § 4, imm. 1, nr. 4 naapertorlugu piffissami aalajangiiffiusumi taarsiivigitinneq ukiumoortoq, akileraarusiisarnermut najoqqutassiat malillugit naatsorsuissutissatut aalajangikkamik, gang-erlugu aningaasaatit annertussusissaat aalajangersarneqartassaaq. Utoqqalinersiaqalereersimasumut ajoqusersimasumut tamannattaq atuuppoq.

*Piffissami 1. januar 2009-miit 31. december 2025-ip tungaanut sulilluni ajoqusernerit
pisimasut*

§ 6. Kalaallit Nunaanni sulinermi ajoqusernissamut sillimmasiisarneq pillugu inatsimmi § 21, imaluunniit Kalaallit Nunaanni sulinermi ajoqusernissamut sillimmasiisarneq pillugu inatsimmik atuutilersitsineq pillugu peqqussummi nr. 991, 3. oktober 2008-meersumi § 22 malillugu inuussutissarsiorsinnaanermik annaasaqarnermut ingerlaavartumik taarsiissutisinissamut akuerisaaneq, Kalaallit Nunaannut pisassanik aningaasanngortitsinerimut ilitersuummi tabel-imi attuumassutilimmi piffissami kaaviiartitsiviusumi ajoqusertup utoqqaassusiani allassimasoq, piffissami kaaviiartitsiviusumi ukiumoortumik taarsiissuteqartarneq, naatsorsuissutissamik attuumassutilimmik gang-erlugu, aningaasaatit annertussusaannut naatsorsorneqartassaaq.

§ 7. Kalaallit Nunaanni sulinermi ajoqusernissamut sillimmasiisarneq pillugu inatsimmi § 24, imaluunniit Kalaallit Nunaanni sulinermi ajoqusernissamut sillimmasiisarneq pillugu

inatsimmik atuutilersitsineq pillugu peqqussummi nr. 991, 3. oktober 2008-meersumi § 25 malillugu pilersuisumik annaasaqarnermut ingerlaavartumik taarsiissutisinissamut akuerisaaneq, Kalaallit Nunaannut pisassanik aningaasanngortitsinermut ilitersuummi tabel-imi attuumassutilimmi piffissami kaaviiartitsiviusumi qimagaasup utoqqaassusiani aamma taarsiissutisinissamut piffissami sinneruttumi allassimasoq, piffissami kaaviiartitsiviusumi ukiumoortumik taarsiissuteqartarnek, naatsorsuissutissamik attuumassutilimmik gang-erlugu, aningaasaatit annertussusaannut naatsorsorneqartassaaq.

Imm. 2. Taarsiissutisisitsisarnerup piffissaata sinnera, ukiunut aamma qaammatinut naatsorsorlugu, Kalaallit Nunaannut pisassat aningaasanngortinnissaannut ilitersuummi tabel-imi attuumassutilimmi allassisut, ukiut sinneruttut akornanniippat, ukiunut aamma qaammatinut naatsorsugaq piffissaq sinneruttoq tunngavigalugu naatsorsuissutit akunnermiliuttut assingusut atorineqassapput.

§ 8. Inuussutissarsiorsinnaassutsimik imaluunniit pilersuisumik annaasaqarnermi ingerlaavartumik taarsiissutigineqartartunut pissutsinut, aningaasanik ataatsimut tunniussassanik allanngortitsineq piumasaqaatit tuliiuttut tunngavigalugit aalajangersarneqartarput:

- 1) U74-imik teknik-kikkut ajunaarnermut tunngavimmi, angutitut arnanullu toqusoqartarneratut aalajangersarlugu, taarsiissutisiassanik tigusiartunik toqusoqartarnera.
- 2) 10%-inik teknik-kikkut ajunaarnermut tunngavimmi aalajangersagaq, ukiumut 10 pct.-inik tunngavittut erniat.

Piffissami 1. januar 1980-miit 31. december 2008-mut sulinermi ajoqusernerit

§ 9. Sulinermi ajoqusernissamut sillimmasiisarnek pillugu Kalaallit Nunaannut peqqussummi nr. 558, 28. december 1979-meersumi, nr. 103, 19. marts 1984-meersumi aamma nr. 145, 16. marts 1988-meersumi § 33 aamma peqqussummi nr. 818, 11. september 1996-meersumi aamma Kalaallit Nunaanni sulinermi ajoqusernerit kingunipiluinnut sillimmasiisarnek pillugu inatsimmik atuutilersitsineq pillugu nr. 273, 24. april 2001-meersumi § 37 malillugit akuerisaasoq inuussutissarsiornermik annaasaqarnermik ingerlaavartumik taarsiissuteqartarnek, kaaviiartitsinermut piffissami ukiumoortumik taarsiissuteqartarnek, Kalaallit Nunaannut pisassat aningaasanngortinneqarneranni tabel-imi attuumassutilimmi kaaviiartitsinermut piffissami ajoqusertup ukiuiniittumi allassimasumik naatsorsuissutaasumik attuumassutilimmik gang-erlugu, aningaasaatit annertussusaannut naatsorsorneqartassaaq.

§ 10. Sulinermi ajoqusernissamut sillimmasiisarneq pillugu Kalaallit Nunaannut peqqussummi nr. 558, 28. december 1979-meersumi, nr. 103, 19. marts 1984-meersumi aamma nr. 145, 16. marts 1988-meersumi § 37, imm. 2 aamma peqqussummi nr. 818, 11. september 1996-meersumi aamma Kalaallit Nunaanni sulinermi ajoqusernerit kingunipiluinnut sillimmasiisarneq pillugu inatsimmik atuutilersitsineq pillugu nr. 273, 24. april 2001-meersumi § 41, imm. 2 malillugit akuerisaasoq pilersuisumik annaasaqarnermik ingerlaavartumik taarsiissuteqartarneq, kaaviiartitsinermut piffissami ukiumoortumik taarsiissuteqartarneq, Kalaallit Nunaannut pisassat aningaasanngortinneqarneranni tabel-imi attuumassutilimmi kaaviiartitsinermut piffissami qimataasup ukiuniittumi aamma taarsiissuteqarnerup piffissaani sinneruttumi allassimasumik naatsorsuissutaasumik attuumassutilimmik gang-erlugu, aningaasaatit annertussusaannut naatsorsorneqartassaaq.

Imm. 2. Taarsiissutit piffissaata sinnera, ukiunut aamma qaammatinut naatsorsorlugu, Kalaallit Nunaannut pisassat aningaasanngortinnissaannut ilitersuummi tabel-imi attuumassutilimmi allassisut, ukiut sinneruttut akornanniippat, ukiunut aamma qaammatinut naatsorsugaq piffissaq sinneruttoq tunngavigalugu naatsorsuissutit akunnermiliuttut assingusut atorineqassapput.

§ 11. Inuussutissarsiorsinnaassutsimik imaluunniit pilersuisumik annaasaqarnermi ingerlaavartumik taarsiissutigineqartartunut pissutsinut, aningaasanik ataatsimut tunniussassanik allannngortitsineq piimasaqaatit tuliiuttut tunngavigalugit aalajangersarneqartarput:

- 1) U74-imik teknik-kikkut ajunaarnermut tunngavimmi, angutitut arnanullu toqusoqartarneratut aalajangersarlugu, taarsiissutisiassanik tigusiartunik toqusoqartarnera.
- 2) 10%-inik teknik-kikkut ajunaarnermut tunngavimmi aalajangersagaq, ukiumut 10 pct.-inik tunngavittut erniat.

§ 12. Qimagaasoq taartisiani annertussutsimut pisinnaatitaaffeqarpat, sulinermi ajoqusernissamut sillimmasiineq pillugu peqqussummi nr. 558, 28. december 1979-meersumi, nr. 103, 19. marts 1984-meersumi aamma nr. 145, 16. marts 1988-meersumi § 37, imm. 4 aamma 67-iliinermi Kalaallit Nunaanni sulinermi ajoqusernerup kingunipiluinnut sillimmasiisarneq pillugu inatsimmik atuutilersitsineq pillugu peqqussummi nr. 818, 11. september 1996-meersumi aamma nr. 273, 24. april 2001-meersumi § 41, imm. 4 malillugit aningaasaatit annertussusaat, piffissami kaaviiartitsiviusumi qimagaasup utoqqaassusiata nalaani allassimasoq Kalaallit Nunaannut pisassat aningaasanngortinnissaannut ilitersuummi 67-iliinermi taartisiani annertussutsip nalinganut tabel-imiittumik

naatsorsuissummik ukiumoortumik taarsiissuteqarnermik gang-erinikkut
naatsorsorneqartartoq, aningaasat annertussusaannik qaffanneqassaaq.

Kapitali 3

*Katsorsaanermut, nukkassarnermut aamma ikiuutitut siunissami ataavartunik
aningaasartuutitut taarsiivigitinneq*

§ 13. Katsorsaanermut, nukkassarnermut aamma ikiuutitut siunissami ataavartunik aningaasartuutitut taarsiivigitinneq Kalaallit Nunaanni sulineri ajoqusernissamut sillimmasiineq pillugu inatsimmi § 14, imm. 3, aamma Kalaallit Nunaanni sulineri ajoqusernissamut sillimmasiineq pillugu inatsimmik atuutilersitsineq pillugu peqqussummi § 15, imm. 3 malillugit, katsorsaanermut, nukkassarnermut aamma ikiuutitut ukiumoortunik aningaasartuutit agguaqatigiissitamik naatsorsuutigineqartumik, aammalu Kalaallit Nunaannut pisassat aningaasanngortinneqarnerannut ilitsersuummi piffissami aalajangiiviusumi ajoquser tup ukiunut allattuiffiup nalaaniittumik naatsorsuissutaasumik attuumassutilimmik gang-erinikkut, aningaasat annertussusaattut ataasiartatut naatsorsorneqartarpoq.

Imm. 2. Ulloq 1. januar 2026 kingusinnerusukkulluunniit pisunut sulineri ajoqusernertut, Kalaallit Nunaannut pisassat aningaasanngortinneqarnerinut ilitsersuummi § 2-mi eqqaaneqartut tabel-it attuumassutillit atorineqassapput.

Imm. 3. Piffissami 1. januar 2009-miit 31. december 2025-ip tungaanut pisunut sulineri ajoqusernertut, Kalaallit Nunaannut pisassat aningaasanngortinneqarnerinut ilitsersuummi § 6-mi eqqaaneqartut tabel-it attuumassutillit atorineqassapput.

Kapitali 4

Atuutilersitsineq aamma ikaarsaarnermi aalajangersakkat

§ 14. Nalunaarut ulloq 29. januar 2026 atuutilersinneqassaaq.

Imm. 2. Nalunaarut ulloq 1. januar 2026-miit sunniuteqalissaaq.

Imm. 3. Kalaallit Nunaanni sulitilluni ajoqusersinnaanermut isumannaarineq pillugu inatsit malillugu, Kalaallit Nunaanni sulineri ajoqusernerit pillugit suliani inuussutissarsiorsinnaassutsimik imaluunniit pilersuisumik annaasaqarnermi ingerlaavartumik taarsiissuteqartarnerit tamaasa ataatsikkut aningaasanngorlugit naatsorsorneqarsinnaanerat pillugit aalajangersaasarneq pillugu nalunaarut nr. 1602, 18. december 2018-meersoq, atorunnaarsinneqarpoq.

Beskæftigelsesministeriet (Suliffeqarnermut ministeeria), ulloq 23. januar 2026

Kaare Dybvad Bek

/ Marianne Sørensen